

## **DIOSPA QHASILLA K'ACHA YANAPAYNIN**

*“Ni imaynamanta salvakuyta atishajtinchej, maychus tiempompi Cristo wañorqa juchasapasrayku. Cheqamanta mana pipis wañullanmanchu uj cheqan runarayku; ichapis atinman wañuyta uj k'acha runarayku.*

*Chay tukuywampis Dios munakuyninta rikuchiwanchej; juchasapasllaraj kashajtinchej, Cristo wañorqa noqanchejrayku. Cristoj yawarninrayku Diospaj cheqan runaspaj qhawasqa kankichej, kunanqa astawanraj paynejta Diospa k'ajaj phiñakuyninmanta salvasqallataj kasunchej.*

*Diospa contrampi kashasparaj, noqanchejqqa, noqanchejqqa Churimpa wañuyninnejqta Dioswa allinyachisqa karqanchej. Astawanraj ari Dioswan allinyachisqaña kaspqa, salvasqa kasunchej kawsasqanrayku.”*

**(Ro. 5:6-10)**



### **Publicado por:**

2020 Asociación Evangelica Luterana “El Sembrador”  
Dirección: Calle Loa # 621-B. Sucre – Bolivia

### **Contactos:**

Gonzalo Ascarrunz Cel. 73417525  
Correo electrónico: lgap\_41@hotmail.com

Joel Vera Cel. 67622824  
Correo electrónico: joelverata@hotmail.com

René Villegas Cel. 67607735  
Correo electrónico: renevc1958@gmail.com

Ingar Gangas Cel. +51-90151234  
Correo electrónico: Ingar.gangas@live.no

Primo Serrudo Cel. 67631073

# **Diospa qhasilla k'acha yanapaynin**

**Kayqa qampaj wakichisqa kashan perdonta,  
sonqo tiyaykuyta ima tarinaykipaj.**

## **DIOSPA QHASILLA K'ACHA YANAPAYNIN**

*“Chayrayku mana manchachikuspa, qhasilla k'acha yanapayninta qoj Diospa ñawpaqenman qayllaykunachej khuyakuyninta, qhasilla k'acha yanapaynintawan tarinanchejpaj pisichukusqanchej tiempopi”.* (He. 4:16).

### **¿Pikunapajtaj chay k'acha yanapa wakichisqa kashan?**

Pikunachus munanku tariyta chay qhasilla Diospaj k'acha yanapayninta chaykunapaj, juchankurayku mana yanapata tariyta atinkuchu chaykunapaj, Diospa qhasilla k'acha munakuyninwan kacharichikuyta munajkunapaj. Chay k'acha yanapaqa wakichisqa kashan juchasapaspaj, chinkasqa kajkunapaj, phutiyninkupi ni imata ruway atejkunapaj ima.

Chay k'acha yanapajmanqa, atinku chimpayta pikunachus kawsayninkupi mana ni ima allimpis ruwasqanku kanchu chaykuna, ujinamanta nispaqa nisunman, Diospa qhasilla k'acha yanapaynimanqa atinku chimpayta, piskunapatachus mana ni imanku kanchu paganankupaj chaykuna.

Chay k'acha yanapaqa wakichisqa kashan, runakuna ukhupi pikunachus mana ni ima allimpaj qhawasqa kanku chaykunapaj,

ima ruwayllapipis qhepakujkunapaj, imaynatachus Isaías 1:5-pi nerqa, ajina runakuna kajkunapaj: *“... tukuy umaykichejqa nanasqa, tukuy cuerpoykichejpis llawchhiyasqa”*, nispa.

Kay qhasilla k'acha Diospa yanapayninqa, waj khuyakuy yanapata mask'aspa mana taririyta atejkunapaj kashan, pikunachus waj cheqaman rispa mana uyarisqachu kanku wich'uchikamusqas kanku chaykunapaj, waj yanapata mask'ayninkupi, mana allinta ruwasqankurayku qharqomusqa kanku chaykunapaj; paykuna kikinku mana cheqan runapaj qhawakunkuchu, paykunapaj kashan. Ajina kajkuna kay *“qhasilla k'acha yanapaymanqa”*, allin jamusqa kanku.

Ajina runakunapaj wakichisqa kashan. Sichus allin ruwaj runakuna kankuman chayqa, khuyakuyta yanapata mask'aj rinanku kanman chay allin ruwajkunallaman. Sichus cheqan runakuna kankuman chaypis, maypichus cheqanta ruwaj runakunallamanchá rinanku kanman. Sichus paykuna kikinkupuni atienikunkuman chaypis, rinanku kanman kamachina justiciata ruwaj tiyanampa ñawpaqellanman.

Chaykunamanta yuyaychakuspataj, astawan llakiyllaman urmaj jina kasqankuta reparakuspa, tapukunku: Chantari maymantaj riyta atiykumanri?, nispa. Kutichispa nisunman:

Chay qhasilla k'acha yanapajman allin jamusqa kanki. Chay qhasilla k'acha yanapaqa, mana tukuy imata noqallamanta ruwayta atini nijpajchu, manachayqa pichus mana ni imayoj kani, ni imatapis ruwayta atinichu nejpaj kashan. Paykuna allin jamusqa kanku chay qhasilla k'acha yanapajmanqa.

Pikunataj medicojman rinkú? Onqosqa kajkuna rinku, mana sano runachu rin. Pikunapajtaj Hospital wakichisqa kashan? Onqosqaspaj wakichisqa kashan, nanayninkuta jampichikunankupaj, astawanqa Hospitalqa sinch'i onqosqas kajkunapaj, paykuna necesitanku jampisqa kayta, ajina kajtenqa paykunapaj Hospitalqa.

Yuyariypuni, *“chay qhasilla k'acha yanapaqa, necesitasqanchejrayku noqanchejpaj wakichisqa kashan Diospa khuyakuyninta, yanapanta, munakuyninta ima, tiempompi tarinanchejpaj”*.

Salmos 68:10-pi, nishan: *“Qanrí Diosniy, k'acha kasqaykirayku, tukuy imata wajchasman qorqanki”*, nispa.

Horatio Bonar (Pastor escocés 1808 – 1888)